

Исломий фикҳ академияси анжумани бошланди



14:28 / 20.04.2024 945

Бугун, 20 апрель кунИ Саудия Арабистони Подшоҳлиги пойтахтида энг нуфузли ташкилот – Ислон олами уюшмаси таркибидаги Ислоний фикҳ академиясининг 23-давра йиғилиши бошланди.

Риёз шаҳрида бўлиб ўтаётган халқаро анжуманда дунёнинг турли мамлакатларидан келган таниқли уламолар, машҳур муфтийлар, профессор-олимлар, етук экспертлар, давлат ва дин арбоблари ҳамда халқаро ислоний ташкилотлар етакчилари иштирок этмоқда.

Хусусан, Саудия Арабистони Подшоҳлиги Бош муфтийси, Йирик уламолар кенгаши раиси, Ислон олами уюшмаси таркибидаги Ислоний фикҳ академияси президенти Абдулазиз бин Абдуллоҳ Ол Шайх, Ислоний фикҳ академияси Бош котиби Абдурахмон бин Абдуллоҳ аз-Зайд, Ислон ҳамкорлик ташкилоти Бош котиби Ҳусайн Иброҳим Тоҳа, Ислон ҳамкорлик ташкилоти ҳузуридаги халқаро Ислон фикҳи академияси Бош котиби Қутб Мустафо Сону кабилар иштирок этмоқда.

Ислон олами уюшмаси Бош котиби, Муслмон олимлар ҳайъати раиси, Шайх Доктор Муҳаммад Абдулкарим ал-Исо жанобларининг таклифига биноан Ўзбекистон муслмонлари идораси раиси, муфтий Шайх Нуриддин Холиқназар ҳазратлари ушбу анжуманда қатнашмоқда.

Нуфузли тадбирда уммат учун энг муҳим бўлган масалаларни муҳокама қилиш баробарида тинчлик-осойишталикни таъминлаш, халқлар дўстлигига эришиш, электрон воситалар билан савдо қилиш, замонавий телескоп ва рақамли технологиялар орқали ойни кузатиш, вақф мулкий муносабатлари, тана аъзоларини ўзгартириш, закот тўлашга оид ҳукмлар ҳамда намоз ва хутбаларда овозли экранлардан фойдаланиш каби муҳим масалалар кўриб чиқилади.

Анжуман жараёнлари ва натижалари ижтимоий тармоқларимиз орқали ёритиб борилади.

Ўзбекистон мусулмонлари идораси Матбуот хизмати